



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Sessio I. Celebrata XIV. Kalendas Decembris.

urn:nbn:de:hbz:466:1-15625

CONCILIVM BITVRICENSE,
IN QVO POST REDARGVTOS EOS QVI
negarent sanctum Martialem inter apostolos nominan-
dum esse , multa ad ecclesiasticam disciplinam pertinen-
tia decernuntur , celebratum anno Christi MXXXIV.
circa Kalendas Nouembris, sub Benedicto papa IX.

Acta huius Concilii recitantur in sessione secunda sequentis Con-
ciliis Lemouicensis II.

CONCILIVM LEMOVICENSE II.
IN QVO AGITVR DE APOSTOLATV SANCTI
Martialis , & recitantur Canones nuper statuti in Con-
cilio Bituricensi , celebratum anno Domini MXXXIV.
die xviii. mensis Nouembris, tempore Benedicti pa-
pæ IX.

Fragmenta quædam actorum huius Concilii hactenus edita fue-
runt ; nunc integra primum in lucem prodeunt ex codice manuscripto
bibliothecæ Thuanæ.

S E S S I O I.

Celebrata xiv. Kalendas Decembri.

FACTVM est illo tempore ut Dei nutu in festiuitate de-
dicationis templi Domini Saluatoris , quod est xiv.
Kalendas Decembri, congregaretur Concilium apud ur-
bem Lemouicam . Ipsa itaque dedicationis die summo
mane conuenerunt omnes simul episcopi cum presbyte-
ris & diaconibus , in ecclesiam beati protomartyris Ste-
phani. Erat autem eadem basilica propter coadunatum
Concilium solenni more pridie ornata , sicut & ecclesia
Saluatoris Domini ; in qua anniuersaria dedicationis fe-
stiuitas ab omni Lemouicensi populo rite celebrabatur.
Fuerunt itaque dispositæ in modum coronaæ sedes episco-
porum in eadem sancta Lemouicensi ecclesia ; quæ est pri-
ma omnium ecclesiarum Galliæ. At ubi oratum est , & se-
derunt episcopi , data ab archidiacono lectione , Iordanus

ANNO CHRISTI
1054. pontifex ait : Gratia diuina inspirante , vocatione nostra episcopi præsentes ad nostrum suffragium, de quibuscumque opus fuerit , dignati sunt venire : qua de re omnium vestrum , dilectissimi clerici , admonemus , vt in hoc sancto Concilio veritatem nullus scienter occultet , nullus timore , aut fauore , siue munere , siue odio , rectam perturbare præsumat iustitiam. De ordine siquidem nostro in primis loquendum est, vt quæ corrigenda sunt , Deo optulan te, corrigan tur , & superflua resecentur , probata vero ab omnibus corroborentur ; quatenus inter nos vnitas pacis firma permaneat. Scimus enim quia in scissuris mentium Deus non est , & Deus vnitate gaudet : & illi gratiam eius merentur habere , qui se abinuicem per sectarum scandala non diuidunt. Si quis vero de aliquo sibi dubius esse videtur , aut forte de quacumque re ceteros putat reprehensibiles , exeat in medium , & libere dicat , vt aut doceat aut doceatur , & derogatio confundatur de fraternitate ecclesiæ. Ideoque hic in nomine Iesu congregati esse videmur , qualiter iustitia sibi inter nos locum inueniat , & iniusta explodantur.

Cumque de diuinis strictim esset disputatum , iterum pontifex ait : Dolorem cordis mei vobis patefacio , o venerabiles episcopi , & reliqui ministri Domini , & clamorem facio de sæcularibus potestatibus parochianis meis , qui ecclesiam Dei quietam esse non sinunt , res sanctuarii persuadunt , pauperes mihi commissos & ecclesiæ ministros affligunt , & me , qui eorum pastor sum , de pace audire nolunt. Omnes episcopi uno ore dixerunt : Qui conturbat vos portabit iudicium , quicumque est ille : dignum est enim vt tales , qui vobis contraire præsumunt , ab ecclesiæ communione abscondantur. Nam quicumque vobis subditos conturbant vos conturbant ; qui autem vos conturbant , Christum conturbant , cuius vice episcopi legatione funguntur. Ideoque diuinæ & apostolicæ seueritate distinctionis digni sunt , & a nostro Concilio iusto anathemate plectendi , quo usque fructuose pœnitendo resipiscant.

Tunc Odolricus monasterii reuerentissimus pater , sa cris , vt iuxta pontificem residuebat , vestibus ornatus , in corona episcoporum exurgens , facto silentio , dixit ponti-

fici: Rogamus, optime pontifex, reuerentiam ordinis vestri, vt priusquam de quibuspiam conferatur, quæstio ecclesiæ vestræ de apostolatu beati Martialis prudenter ventilata hic secundum regulam veritatis pacem inueniat: hac enim præcipue de re ego & vos Concilium hoc aggregare curauimus. Ecce vobiscum sancti præsentes episcopi in nomine Spiritus sancti adsunt: ecce in diuinis & sæcularibus scripturis eruditii præsto sunt plures. Ecce qui-cumque nobis contradicere vult de hac re, qua beatum Martialem profitemur esse apostolum, & memoriam eiusbique in diuinis apostolicam exhibemus, cum fiducia exeat coram vobis; & aut mendaces nos per rationem ostendat, & nos libenter ei acquiescamus, aut (quod Deo opem ferente credimus) veraces nos inueniat, & veritatem cum pace suscipiat. Totiens vos rogauimus, vt firmiter in omnibus ecclesiis & monasteriis per Lemouicinum statuertis hanc regulam, totiens excusastis id vos minime agere velle, quoisque post epistolam papæ Ioannis in Concilio apud hanc sedem causa a comprouincialibus episcopis audiretur, & dignum & iustum atque rationabile fieri per antiquorum auctoritatem iudicaretur: ne videlicet vos sine consultu vicinorum agere videremini episcoporum, ne elatus aut præsumptor diceremini a maliuolis.

Et pontifex ait: Sicut primum a Romano papa, & iterum a Concilio Bituricensi, in quo mea vos vice fuitis in capite huius Nouembris, absque præsentia mea probatum est & collaudatum atque confirmatum, sic volo vt modo præsente me in hac sancta sede beati Martialis diiudicetur iuste & canonice, vt per tertiam istam auctoritatem totum schisma de omni Lemouicino deinceps tollatur editio nostræ auctoritatis. In conspectu ergo episcoporum fiat examinatio de apostolatu beati Martialis, vtrum vere sit apostolus, an non.

Ad hæc apprime eruditus quidam Aniciensis ecclesiæ canonicus & presbyter Engelricus coram exurgens ait: Ideo infinita indoctorum hominum multitudo contradicit eum esse apostolum, quia non est unus de duodecim: & dum crebro duodecim discipulos, vel duodecim sedentes super duodecim sedes audiunt, putant multi nullum esse apostolus, exceptis duodecim, nec alias septuaginta duos

ANNO CHRISTI 1054. duos putant fuisse apostolos, sed tantum simpliciter discipulos. Sed contra hæc deferatur in Concilium vestrum illius auctoritas viri qui vetus & nouum testamentum de Hebræo & Græco in Latinum fideliter translulit, qui sacrorum voluminum expositor fuit, de cuius auctoritate dubitare quempiam nefas est, cum inter omnes doctores, post apostolos, fortior columna ecclesiæ sit.

Tunc delato & perscrutato codice, commentum Hieronymi super epistola ad Galatas legere episcopi fecerunt coram se : vbi Hieronymus scribit dicens : Quod autem, exceptis duodecim, quidam vocentur apostoli, illud in causa est : Omnes qui Dominum in carne viderant, & eum postea prædicabant, fuisse apostolos appellatos, vt illud Pauli : *Vt sacerdos illis undecim, deinde viator est Iacobo, deinde apostolis omnibus*, id est septuaginta duobus, qui bini a Domino ad prædicandum missi sunt. Nam & alii ab his quos Dominus elegit ordinati sunt apostoli, sicut ad Philippenses ait : *Necessarium existimavi Epaphroditum commilitonem meum, ut et strum autem apostolum mittere ad vos.* Et ad Corinthios de talibus scribitur : *Sive apostoli ecclesiarum in gloriam Dei :* 1. Cor. 8. Silas quoque & Iudas ab apostolis apostoli nominati sunt.

Et subiunxit ad hæc Engelricus dicens : Si illi qui in carne Dominum videntes, eum postea prædicantes, apostoli sunt, quanto magis Martialis apostolus est, qui Domini in carne discipulus fuit, & in prædicatione maximus laborator extitit & fructificator, ita vt Gallia signum sit apostolatus eius ? scit omnis Aquitania Martialem esse primum illuminatorem Galliæ : cui contradicere nullus potest. Cum ergo discipulus Domini sit, sicut & Cleophas, & hanc partem occiduam signum apostolatus habeat, indubitanter apostolus est eodem ordine quo & Paulus & Barnabas. Si tamen hæc melior inchoata institutio quibusdam dura esse videtur, propter visitatum sibi morem, quo eius memoriam de confessore facere solent, tamen confidenter dico, hoc nemo iuste contradicere aliqua ratione potest illis qui eius memoriam potius de apostolo eligunt agere.

Ad hæc quidam literarum peritus monasterii Mascianensis pater Azenerius exurgens in conspectu episcopo-
Concil. Tom. 25.

rum, testimonium perhibuit dicens: Quia inter Grammaticos detritus ego, & postea in palatio, nunquam in nostris monasteriis per Franciam Martialem, qui hanc primam ecclesiam ante omnes Galliæ ecclesias dedicauit, audiui recitare nisi cum aliis apostolis: & merito, quia ipse populos Galliæ primus in Christo Iesu per euangelium genuit. At postquam iubente rege Roberto in solo Bituricensi monasterii eius prælationem suscepi, ibi primum aliam de hac re indebitam consuetudinem reperti, quam mox amputavi, quia mox in eo proprio quo Deus eum gradu posuit, hoc est inter apostolos, nomen & memoriam eius adscripsi: nam olim, antequam monachi habitum susciperem, dum Hierosolymam proficisciens apud Constantinopolim in basilica sancte Sophiae sabbato pentecostes solenni interessem officio, memini me audisse in litaniis Græcis Martialem inter alios apostolos post duodecim fuisse a Græcis pronuntiatum.

Ad hæc Odolricus explicare cœpit, dicens: Audiant me pontifices & seniores qui coram adstant. Quod Martialis semper ab antiquitate in pluribus doctissimorum patrum locis pronuntiatus sit apostolus, mihi necesse non est testificari, ne forte adulatorius iudicer testis, pro eius ecclesiæ regimine. Adsunt ab externis locis qui ex hoc verum dent coram vobis testimonium: non tamen est mihi tacendum quod quando iam longe olim apud monasterium sancti Benedicti in Francia per plures annos artibus imbuerer liberalibus, annosam monasterii legem reperi, Martialem in litaniis cum aliis pronuntiari apostolis. Pater illius loci Abo florentissimus philosophia, quem multi vestrum nouerunt, & omni diuina & sæculari auctoritate totius Franciæ magister famosissimus, & postmodum gladio persecutoris martyrio coronatus apud Vasconiam, quid de Martiale scripsiterit, quod de eo testimonium perhibuerit, huius vrbis clero notum est. Extitit post eum ipsius monasterii pater tum grandæuitate, tum genere, cum eloquentia & disciplinis liberalibus clarus, ac demum leuatus Bituricæ sedi archiepiscopus. Quod testimonium sancto Dei perhibuerit ille, multi ex nostris nouerunt. Adhuc enim viuente rege Roberto, cum ante-

ANNO
CHRISTI
1034

Anno
Christi
1034

cessor meus Hugo in palatio ei apud Parisios assisteret cum multitudine nobilium & doctorum , altercatio inter Francos & Lemouicenses de re huiusmodi coram rege fieri coepit : & ego ibi tunc præsens interfui. Dicebant isti : Vos Franci non recte facitis , quia Martialem cum apostolis pronuntiatis : nos recte agimus , quia eum inter confessores recitamus. Vos vltimum apostolorum dicitis: nos primum confessorum in litaniis dicimus. Quorum litigium archiepiscopus supradictus Gauzenus compescuit , dicens : Ambæ huius rei partes nisi uniformes fuerint , altera pars altera parte iustior est , & necesse est ut semper iustior & rationabilior præualeat pars. Nam omnes qui Martialem inter confessores pronuntiant , non bene iuste , non bene perspicaciter agere mihi videntur : ille enim magis est fortis apostolicæ vñus , quam fortis confessorum. Idcirco non bene recte agunt qui nomen eius auferunt de eo in quo Deus eum posuit gradu , & ponunt vbi Deus non posuit. Potius est apostolico de agmine , quam de confessorum , qui post martyres sunt , serie. Vtique si regis qui adest nomen non inter regum , sed comitum subiectorum vocabula diceret quis , aut rusticus diceretur , aut maliulus regis contemptor. Et si simplicitate rustica id fieret , nil moueretur rex animo , sed rusticitati facile ignosceret : si vero non simpliciter , sed contemptive diceretur , non dubium quin regis animus ad iracundiam pro contemptu suo accenderetur. Quod si in tali intentione contemptor persisteret , sententiam contra se pro maliuolo contemptu sentiret : nec tantum rex , quantum subditi comites eius , & principes , & amici , in contemptorem irati fierent. Reuera scit omnis hæc regio , quia ille prædicator Aquitanæ de gradu non confessorum , qui post martyres sunt , sed apostolorum , qui ante martyres sunt , existit. Ego autem , si nomen eius de apostolico ordine auferrem , timebam ut apostoli Petri & aliorum indignationem hac in re incurrerem , qui olim in mundo , & nunc in cælo , collegam & sodalem suum Martialem præclarum consocium per sedilia apostolica habent. Et si nomen eius permutterem in eum catalogum quo sanctum Benedictum & Hilarium , & Martinum pronuntio , metuerem quidem iram

Concil. Tom. 25.

Xx ij

sancti Benedicti & Hilarii & Martini & aliorum incur-
rere, qui eum in cælo gaudent ordine apostolico radia-
re. Illic nulla inuidia, nullum litigium inter sanctos esse
potest, quia regnat in omnibus unitas caritatis: & quod
singuli per se non habent, per caritatem in omnibus ha-
bent, vbi est Deus omnia in omnibus. Nimurum si alii apo-
stoli sunt, exceptis duodecim, sicut & absque dubio sunt,
ille utique apostolus est, qui omne donum gratiarum a
Domino cum aliis duodecim accepit apostolis, certe Mar-
tialis non est nunc nec erit aliis quam olim quis fuit: &
quis fuit ipse est nunc, & ipse semper erit. Amicus Dei fuit,
amicus Dei est, amicus Dei erit. Apostolus fuit, apostola-
tum habet, (nam signaculum apostolatus eius Gallia est)
apostoli honorem in cælo in æternum habebit. Apostolus
officio fuit, apostolus est remuneratione, apostolus erit in
æternum gloria & honore. Est carnaliter de genere Abra-
hæ, est discipulus Domini, est a Petro baptizatus, Christo
iubente, est eidem Petro regni clauiculario & protomar-
tyri Stephano consanguinitate carnis iunctus, est a Domi-
no missus, est per insufflationem Domini Spiritu sancto
consecratus, & potestate ligandi & soluendi sublimatus:
est a Domino die ascensionis suæ benedictione episcopali
sanctificatus, est in Sion in die pentecostes Spiritu sancto
repletus omnium gentium loquelas nouit, gentibus istis
occiduis testimonium Dei viui attulit primus, resurrec-
tionis Christi inuictus extitit testis, ideoque ipsum cru-
cifixum & resurrectionem in resuscitandis extinctis sem-
per testem barbaris præferebat, dicens: In nomine Do-
mini, quem Iudæi crucifixerunt, & tertia die resurrexit a
mortuis, resurgite qui mortui iacetis. Ipsam testificatio-
nem Dei eius nomen resonare videtur: Martialis quippe
interpretatur Græco nomine testimonium, siue testis vita,
vel, sicut alii volunt, virtus immortalis: quia discipulum
virtute resurrectionis de morte post sex dies Petri ba-
ctrio tactum resurgere fecit; siue virtus immortalitatis, hoc
est prædicator, vel testis illius qui rex sæculorum immor-
talis solus habet immortalitatem, ideoque testificator re-
surrectionis Christi extitit inuincibilis. Plane si apostolus
nullus est, exceptis duodecim, sicut Ebionitæ hæretici præ-
dicant, & nefas est cogitare, (ipsi enim nullum apostolum

ANNO
CHRISTI
1054ANNO
CHRISTI
1054

ANNO CHRISTI
1054. recipiunt præter duodecim, & Paulū repudiant, quia non
est de duodecim, sicut Beda in commentario super Marcū
dicit) ergo Paulus & Barnabas non sunt apostoli: quod pu-
tare dementiæ est. Nos Franci morem quem patres no-
stri, qui primi monasterium S. Benedicti suo magisterio
innormarunt, plena nobis ratione subnixum tradiderunt
de hac re, ratum conseruamus. *Quisquis nos hac in re imi-
tarī voluerit, rectam veritatis lineam tenebit.* Quo per-
orato, archiepiscopus tacuit: & rex cum omni dignitate
clericorum & principum qui sibi assistebant dicta archi-
episcopi collaudauit. Nos autem vbi regressi sumus ad
hanc urbem, hac de re codices antiquos loci nostri per-
quirere confestim curauimus, & innumeros, tam penes
nos, quam per diuersas Aquitaniæ ecclesias, inuenimus,
Martiale habentes scriptum apostolum. In antiquis et-
iam martyrologii voluminibus duos eius discipulos Alpi-
nianum & Austriclinianum scriptos esse adhuc reperimus
apostolos. Sic quippe legitur in vetustissimis quibusdam:
Pridie Kalendas Iulii natalis sancti Martialis Aquitaniæ
doctoris & apostoli, cum duobus apostolis Austricliniano
& Alpiniano, quorum vita signis & miraculis admodum
effulgit. Ne miremini autem quod in vestro Concilio testi-
monium hoc protuli, reuerentissimi præfules, quasi ipsos
discipulos eius recitari velimus apostolos; hoc enim no-
lumus, ne vilescat, vt aiunt quidam, nomen apostolicum,
si tot apostolos ecclesia proferat, cum hoc de ipso Martiale
nonnullis ingratum esse sciamus. Verum hæc idcirco dixi-
mus, vt qui præfentes in Concilio sunt facile perpendant,
quia si ante nos longe olim antiqui patres discipulos Martialis
non dubitauerant fateri apostolos, multo magis eorum
magistrum sciebant proculdubio, & credebant esse
apostolum. Interrogentur de ipsa antiquitate maiores mo-
nasteriorum per Lemouicense solum, vt impleamus illud
propheticum: *State super vias, interrogate de semitis Domini terim. 6.*
antiquis, quærite quæ sit via recta, & ambulate in ea. Testifica-
tur nobis pater monasterii Tutellensis, quia postquam ipse
locus fundatus est temporibus Caroli Augosti, consuetum
semper retinet morem memorandi Martialis apostoli.

Interea pater monasterii Solemniacensis Geraldus so-
lenniter in Concilio residens, sacris indumentis ornatus,

ait coram omnibus : Antiquissimos codices scio penes nos , antiquissimum habentes testimonium , Martialem esse apostolum ab antiquis prædicatum : verum crescente paulatim negligentia ecclesiasticorum virorum eum alia quoque recta cœpissent deprauari , hoc etiam deprauatum est a iunioribus , vt iam non vocaretur apostolus , quia non erat vñus de duodecim : nam multi hodieque non aduertentes Paulum & Barnabam , putant esse de duodecim , ideoque permutarunt eius nomen per litanias , de ordine apostolico in confessorum seriem , zelumque bonum habentes , sed non secundum scientiam , putarunt patronum suum melius honorari , si non vltimum apostolorum , sed primum confessorum dicerent : ideoque per eius gesta in aliquibus locis confessorem eum scriperunt . Nam in vetustissimis codicibus probatum est hoc minime per eius gesta scriptum , hac de re consultius est eum per omnia scribi apostolum quam pontificem siue confessorem ; quia sancti apostoli qui episcopi fuerunt siue occisi siue non occisi gladio , omnes & pontifices & confessores vocantur , dum apostoli vocantur : pontifices autem & confessores innumeri sunt qui apostoli non sunt . Si autem in consecratione episcopalii episcopus vocatur apostolus , vbi dicitur : Vrbanus es : Apostolus Christi es : Sit ecclesia mater tua : Sint apostoli fratres tui : Apostolatus tui gradum custodiant angeli ; quanto magis ille apostolus est qui ab ipso Domino missus & consecratus , & potestate apostolica , id est ligandi & soluendi , sublimatus est . Sed in Concilium vestrum , o præfules , veniat Ambrosius Mediolanensis fortis columna ecclesie : audiamus eius super hac re auctoritatem . Tunc delato codice lectum est in commentario super epistola ad Timotheum , vbi Ambrosius dicit : Primo itaque nascentis ecclesie tempore omnes presbyteri vocabantur episcopi siue presbyteri , & omnes episcopi vocabantur confuse & presbyteri siue episcopi : item omnes episcopi vocabantur apostoli : Cur ergo nunc discreta sunt haec vocabula , vt iam episcopi non vocentur apostoli , non presbyteri , sed tantummodo episcopi ? & presbyteri ante ordinationem episcopalem non vocentur episcopi , nisi solum presbyteri ? Episcopi qui post decepsum apostolorum ecclesias rege-

ANNO CHRISTI
1034 bant, cum viderent se non eamdem habere quam apostoli
habuerant gratiam, in potestate signorum, in virtute mi-
raculorum, in resuscitatione mortuorum, graue sibi ex-
stimatorum vindicare apostolicum nomen: ideoque hæc
duo nomina ita inter se diuiserunt, ut maiores sacerdotes
vocarentur episcopi tantum, minores vero sacerdotes
presbyteri dumtaxat appellarentur. Si igitur illi episcopi
quondam post apostolos virtute signorum apostolis qui
Dominum viderant inferiores vocabantur apostoli, quanto
magis ille apostolus est, & iure apostolus vocabatur,
quia a Domino omne donum gratiarum cum confortibus
suis accepit, & in virtute signorum, tamquam vere apo-
stolus, præpotens fuit? Cumque silleret, dixit Petrus qui-
dam presbyter: Hoc idem testificatum est ante hos plu-
res annos a Ragembaldo patre monasterii Milbecensis.
Nam cum vos, o venerande pontifex, in hac basilica per
hebdomadam pentecostes in vestra Synodo, adstante
multitudine sacerdotum, resideretis, allocutus estis Syno-
dum, dicens: Nobis nefcio quæ nouitas de patrono nostro
Martiale orta est, mihi satis dura & grauis. Alii memo-
riam eius de apostolo, alii de confessore agunt: alii testan-
tut eum esse apostolum, alii coapostolum: quid ergo, fra-
tres, in hoc sentitis? At ille memoratus veneranda cani-
tie, doctrina & moribus egregius, confessim admirando
signare se cœpit signo Crucis, & sic primus respondit: Tale
nunquam audiui quale nunc: certe auribus meis, o ponti-
fex, maiorem inducitis nouitatem. In nostro siquidem
monasterio, & in ceteris, in quibus a pueritia mea usque
modo per Bituricensem & Turonensem prouincias con-
uersatus fui, nunquam audiui Martialem recitari nisi cum
aliis apostolis. Interea in Concilio illo, cum quidam ex
clericis Petracoricæ vrbis cum patre monasterii Solem-
niacensis alteraretur, & diceret: Eodem modo sanctum
Frontum possumus dicere apostolum. Ille coram omni-
bus sic ei respondit: Tace, inquam, frater; melius est ut
fileas: quia quando nos in scholis magistrorum mel & lac
bibebamus, tu solam ruminabas fabam. Scripturam de san-
cto Fronto nouam, cuius tu auctoritate niteris, Gauzber-
tus noster edidit lucri causa, qui sub huius Lemouicæ sedis
episcopo Hildegario chorepiscopus nobis extitit. Qua au-

ANNO
CHARLII
1014.ANNO
CHARLII
1014.

tem ratione ille potest esse apostolus qui indigena Petracoricensis fuit? Profecto si ibi a puerō psalterium didicit, sicut in eius gestis legitur, & ibi clericus est factus, iam ibi sacerdotium & Christianitas erat, vbi scholæ scripturarum diuinarum, vbi clericatus ordo erat. Legitur eum potius eremitam vixisse quam episcopum. Dicere nescis quæ signa ille operatus est, vt Petracoricenses conuerteret. Potius ille eos Deo acquisiuit, qui omnem Aquitaniam cum Stephano principe Galliarum ad fidem traxit. Neque Frontus, neque Saturninus, neque Dionysius leguntur mortuos suscitasse; & vtique sine suscitatione mortuorum, sine ostensione signorum primi Gentiles non potuerunt credere, dicente Domino: *Nisi signa & prodigia videbitis, non creditis.* Item alibi dicitur: *Illi autem profecti præcauerunt ubique Domino cooperante, & sermonem confirmante sequentibus signis.* Apostolus nullus fuit nisi qui a Ierusalem profectus est, dicente Isaia: *De Sion exibit lex, & verbum Domini de Ierusalem.* Itemque Dominus ait: *Oportebat Christum pati, & resurgere a mortuis die tertia, & prædicare in nomine eius paenitentiam, & remissionem peccatorum in omnes gentes, incipientes ab Hierosolyma.* Et alibi dicit: *Eritis mihi testes in Ierusalem, & in omni Iudea, & Samaria, & usque ad ultimum terræ.* Vbi autem est locus vbi Frontus Georgium legitur suscitasse? Porro apud Else monstratur semper locus vbi Martialis Austriclinianum suscitauit. Martinus Turonensis tantam post apostolos gratiam a Deo legitur habuisse, vt trium mortuorum suscitator fieret. Discipuli eius orbem lustrasse dicuntur, si quem forte tunc iuuenem inuenire potuissent in suscitatione trium mortuorum Martino similem, nec inuenire potuerunt. Dic nobis, frater, quos martyres, quos confessores, quas virgines legisti post apostolos ultra tres mortuos suscitasse? nimirum hac in re etiam Martialis ostenditur vere apostolus esse, eo quod, vt multam Deo Gentilitatem acquireret, vt fructum plurimum afferret, sex mortuos tamquam vere apostolus suscitauit. Sex ipsos mortuos in testimonium veritatis possumus ostendere in quibus iacent monumentis. Austriclinianum quippe & filium Neruæ duosque idolorum pontifices atque armigerum Stephani & filium Arcadii nouimus vbi quiescentes expectent resurrectionem mortuorum.

Præ-

ANNO CHRISTI
1054. Præter hos suscitauit puellam, quæ quasi mortua facta erat dilaniata a dæmonio. Item penes Mauritaniam opidum maritimum qui ante pedes eius quasi mortui iacebant, ut cunctus populus mortuos eos crederet, nouem simul viros suscitauit. Veritatem dico, non mentior: nisi Martialis ab eo qui discipulis suis potestatem mortuos suscitandi tradidit tantam signorum gratiam haberet, non tantam cælo gentilitatem acquireret. Talibus signis barbari facile potuere fidem & Christi nomen suscipere. Nos autem ita, Deo opem ferente, in ecclesia catholica constantes sumus & solidi, ut quamuis omnia hæc apostoli officio Martialis egerit, nullo tamen pacto eum fateremur apostolum, hoc est legatum Dei, nisi hoc etiam ab antiquis patribus nostris esset præoccupatum. Nisi enim vere legatus Christi esset, hoc est a Christo missus ad prædicandum, nunquam antiqui olim eum faterentur esse apostolum, nunquam nomen eius cum nominibus aliorum apostolorū nobis scriberent pronuntiandum. Hanc rem antiqui codices a Francia, ab Hispania, a gente Anglorum aduecti demonstrant: hoc priorum tractatus doctorum, qui in eius laude quædam probe ediderunt, indicat. Scimus quia Deus mendacio non oblectatur, sancti eius adulazione non gaudent. Veritatem requirit Dominus; propter veritatem sancti peruererunt ad regnum. Et ne verbo meo longiores faciam vos, o venerabiles patres qui in hoc interestis Concilio, hoc tantum breuiter perstringam, quia nunquam usque ad hunc hodiernum diem, qui est quinta sabbati, factus est liber in toto orbe terrarum, qui in ordine apostolorum per litanias habeat scripta nomina Fronti, Saturnini, Dionysii, Iuliani, Austremonii, Vrsini, neque aliorum qui post Martalem in Galliam venerunt patrum: Martialis vero nomen, ut iam dixi, & in vetustissimis Aquitaniæ & Franciæ, nec non & Hispaniæ, siue aliarum gentium libris, per innumeratas litanias cum aliis apostolis inscriptum comperitur. Denique qui eum in duodecim apostolorum serie per Canonem Missæ & per alia loca scripserunt, sicut Paulum, & Barnabā, Lucam, & Marcum, & Cleopham, non utique id agerent nisi eum vere apostolum scirent esse; de illo scilicet ordine quo dicuntur esse apostoli Paulus atque Barnabas.

Ad hæc ex clericis Engolismensibus, qui tamen minus

Concil. Tom. 25.

Yy

eruditus erat, quidam se opposuit, dicens: Si nomen Martialis inueniretur in Aetibus apostolorum, sufficeret nobis.

Cui mox quidam eruditus ex ipsis Engolismensibus clericis, qui tunc ab Engolisma cum episcopo Rohone ad Concilium venerat, obuiauit, respondens: Adiurare episcopos in Concilio isto audiuius, ne quis scienter hic taceat veritatem: ideoque de hac re non audeo quin tibi coram omnibus respondeam: Nomina septuaginta duorum nec in euangeliis nec in Aetibus apostolorum inueniuntur, & Martialis procul dubio unus est de illis septuaginta duobus: quando autem discipulus Pauli Lucas Actus apostolorum scripsit, iam ante triginta annos Martialis apud Aquitaniam erat. Tacuit Lucas de aduentu Petri in Antiochiam, tacuit de aduentu Petri ad urbem Romam. Si haec duo tangeret plene, & Martiale non exprimeret nominatum, iuste mirareris. Verum quia Petrus in Antiochiam, dehinc ad urbem Romam, cum Martiale venit, & primum Antiochia, dehinc Romae episcopus sedit, & quatuordecim annis ante Paulum venerunt Romam Petrus & condiscipulus eius Martialis, & Lucas de his nihil dixit, nihil est quod mireris, vel dubites. Si enim propter hoc dubitas, quasi Martialis de tempore prædicationis Domini non fuerit, gesta eius non credis: & idcirco merito brutum animal reputaris, si tot ac tantos & tales patres doctissimos & priscos & modernos, qui eius gesta summa reverentia & suscepserunt & suscipiunt, nutasse hac in re arbitraris. Quod autem a quibusdam dudum audiui, necesse est mihi in hoc Concilio proferre. Nonnulli enim, nescio utrum vero an falso, opinantur Martiale esse illum adolescentem qui, secundum Marcum, in passione Dominum post omnes discipulos est secutus. Et hoc propterea opinantur, eo quod tunc Martialis adolescenterat, & in cena nocte ipsa Domino ministrauerat. Aetatis enim quindecim annorum erat, quando eum Dominus vocauit, & baptizari a Petro iussit: alii autem illum adolescentem suspicantur esse Ioannem euangelistam. Sic autem Marcus ait: *Tunc discipuli omnes relicto eo fugerunt. Adolescentem quidam sequebatur eum amictus sindone super nudo: & tenuerunt eum. At ille, reiecta sindone, nudus profugit ab eis.* De qua re in commentario super Marcum Beda dicit: Hic adolescentes,

Marc. 14.

ANNO
CHRISTI
1054. siue Ioannes, siue alius quilibet, nobis ignotus proprio no-
mine fuerit, certum est quia magnum amoris ardorem in
Dominum habuerit. Item alii opinantur Martialem fuisse
illum discipulum, qui secundum Ioannem, notus erat pon-
tifici, & dixit ostiariæ, & introduxit Petrum; quod hac de-
re opinantur, quia de nobili fuisse legitur genere, ac per
hoc cognitus pontifici. Alii autem hoc negant, & afferunt
ipsum discipulū fuisse Ioannem: Augustinus vero in com-
mentario super Ioannem super hac re sic ait: Nescimus
quis iste discipulus fuerit notus pontifici; non enim possu-
mus affirmare illum fuisse Ioannem; quia Ioannes, vbi cum
que se commemorat, hoc adiicit, *Quem diligebat Iesus*: Ioan. 15.
hic vero prætermittit. Alios quoque vidi qui opinabantur
Martalem ipsum esse Matthiam, & similitudine nominis a
lingua Aquitanorū ita facile cœpisse vocari, siue propterea
quod non facile inuenitur vbi corpus iacet Matthiæ. Ego
autem pro certo teneo quod si non alias esset Matthias &
alius Martialis, vterque tam in nostris quam in Anglorum
gentis libris minime in ordine apostolorum esset scriptus.
Per litanias siquidem vetustorum voluminum Anglegenæ
gentis, quæ fidei rudimentum & ecclesiasticas institutio-
nes a Gregorio papa percepit, Matthias & Martialis, vter-
que cum aliis apostolis inscriptus habetur. Proinde non
ignorabat Gregorius non eumdem esse Mattheum qui &
Martalem; ego autem quemdam Græcum peritū inter-
rogans, didici ab eo Mattheum Armeniæ minori prædicasse,
& ibi in pace migrasse: sedlibenter me audiat facer pa-
trum Conuentus. Ante hos plures annos quidam ex fratri-
bus de monte Sinai in hanc partem aduenerunt occiduam
Dei disponente nutu, moribus graues, doctrina catholicæ
fidei profluentes, vita per omnia honesti, vtriusque linguæ
periti: qui cum diu nobiscū Engolismæ fuisserent expectan-
tes principem ciuitatis, & literis Græcis & Latinis eos vide-
remus ad vnguem imbutos, super hac re interrogare cura-
uimus eos. Eo tempore hæc regula de apostoli memoria in
hac vrbe frequentabatur, recuperata potius quam primo
inchoata, viuentibus rege Roberto & Gauzleno Bituri-
ensi archiepiscopo. Ego autem Engolismæ positus, vbi et
iam ab ineunte ætate educatus sum, dum inter alios quasi
sciolus viderer, ante omnes & super omnes huic sanæ regu-

Concil. Tom. 25.

Yy ij

lae repugnabā , putans esse vanum & falsum , siue ex elatione descendisse , quia Martialem audiebam in hac vrbe Lemouicensi prædicari esse apostolū , & incautus rusticorum opinioni meam accommodabam intelligentiam , putans neminem esse apostolum præter duodecim . Itaque illos conueni Græcos , sciscitans , vtrum orientales Martialem nossent . Qui (alter Simeon , alter nomine Cosmas) consono ore responderunt , dicentes : Vtique Martialem nouimus apostolum , vnum de septuagintaduobus . Quibus cum diceremus : Nescimus præter duodecim apostolos : interrogauerunt nos : Habetisne , inquiunt , per istas occidentales ecclesias euangelistam Lucam , qui scribit alios septuagintaduos esse electos a Domino post duodecim apostolos . Et cum diceremus vtique haberi , sed illos septuagintaduos a nobis non credi fuisse apostolos , sed tantum discipulos : illi protinus nos fugientes , & signo Crucis semper munientes , cœperunt detestari vocem nostram , dicentes : Discedite procul a nobis , miseri , quia hæretici estis , cum non creditis verbis Domini , dicentis ad illos : *Ite , ecce ego mitto vos sicut agnos inter lupos* . Non creditis esse apostolos illos quos ipse incarnatus Dominus ad prædicandum misit ? Duodecim misit binos , & postea nihilo minus binos misit alios septuaginta duos . Græci semper Latinis sapientiores fuerunt , & scripturæ Latinorum ex Græcorum fonte deriuatae sunt . Martialem proinde , quem nos dicimus θάγο Mapnudλι , vere scimus esse vnum de illis septuagintaduobus , qui cum Petro occidentem petiit ad prædicandum ; cuius gesta , & omnium septuaginta duorum , in monte Sinai in eloquio nostro habemus . Hoc ego testimonio a Græcis accepto cœpi tecum multa voluere , & curiose antiquorum voluminum arcana rimatus , frequentius Martialem comperiebam ab antiquis pronuntiatum esse apostolum . Animaduerti quoque Paulum & Barnabam , Silam & Timotheum esse apostolos , non de duodecim , non de septuagintaduobus . Perspexi quia Timotheus discipulus Pauli a Hieronymo dicitur apostolus . Marcus etiam & Lucas , Silas atque Onesimus , & alii quidam per veteres scripturas dicuntur apostoli , & memoria illis apostolica exhibetur . Sic , Deo reuelante , patenter intelligere cœpi vere illum esse apostolum , qui genere He-

LNC. 10.

ANNO
CHRISTI
1034ANNVS
CIRCA
1034

ANNO CHRISTI 1034. bræus, Domini discipulus, Domini in cœna minister, Domini in insufflatione Spiritu sancto repletus, a Domino potestate ligandi atque soluendi sublimatus, a Domino ad prædicandum missus, fructificator maximus in officio apostolatus existere meruit, & hanc regulam rationabilem, & auctoritatis antiquorum plenam, & Dei voluntate inspiratam, deinceps iudicauit, & ex eo defendere totis viribus cœpi quod totis viribus ante ignorans persequabar. Nam & episcopus noster Engolismensis Hugo, vir unde quaque doctissimus, qui ante hos quadraginta annos migravit, cuius successor ante hos quatuordecim annos est defunctus, in quadam sua editione de Martiale hæc locutus est: Illis, inquit, temporibus ciuitas Lemouica ante omnes & super omnes Galliarum vrbes eminebat, arcem regni Aquitanici tenens: & peruenit ad eam beatus Martialis, qui a Domino per legationem B. Petri gentibus Aquitanicis est destinatus apostolus. Qui dum ad Burdigalam vrbem ad prædicandum Vasconibus proficeretur, transitum per ciuitatem Engolismam habuit. Et diu illuc demoratus, Engolismensem populum ad Deum viuum conuertit, eiusque primum episcopum nomine Ausonium, ex ipsa patria oriundum, quem ipse baptizauerat, ordinauit. Et cum quidam ex Concilio dicerent: Cur Dionysius, qui longe post Martiale in Galliam venit, in libro Actuum apostolorum nominatur, cum Martialis nominatim non ibi exprimitur? ille respondit: Quia Dionysius gentilis discipulus Pauli fuit, & Lucas comes Pauli erat, qui in illo libro plus gesta Pauli, quæ vidit, enarrat. Sed de nominibus eorum qui tunc in prædicatione floruerunt, quid nobis vel controuersia vel vtilitatis attingat, non video, cum plures nominentur ibi, vel in epistolis Pauli, quorum memoriam in festiuitatibus minime nouimus. De Iasone illo antiquo discipulo, de Philippo euangelista, de Apollo, de Epaphra, siue de aliis ibi nominatim expressis, nos quidem eorum mentionem per singula, quamuis speciatim, siue nesciamus, siue omittamus, illi tamen populi, quibus patroni dati sunt, certum est memoriam eorum non segniter venerari. Nam etsi Martialis memoria apud quasdam gentes annua speciatim non agatur, nobis tamen occidentalibus, qui eius aduentu illuminati sumus cælesti

claritate, qui eum in cælo & terra patronum occiduis gentibus esse scimus, non ignobili recordatione semper pro opportunitatibus habenda est gaudiorum. Porro autem de Dionyso Areopagita, qui in Actibus apostolorum memoratur, putare solebam ipsum esse qui in Galliam cum Rustico & Eleutherio post decepsum apostolorum Petri & Pauli & Martialis venit, donec nuper contigit mihi fortuito legere commentarium Bedæ super libro Actuum apostolorum, vbi ita scriptum est: Dionysius iste Areopagita ipse est qui postea Corinthiorum episcopus factus gloriissime ecclesiam rexit, & eloquio clarus multos libros ad utilitatem ecclesiæ scripsit. Huius Dionysii Hieronymus in chronico suo mentionem faciens dixit: Dionysius Corinthiorum episcopus, eloquio clarus sub Antonino flouruit imperatore, quo tempore Polycarpus discipulus Ioannis euangelistæ passus est: sub Traiano vero, qui quintus post Vespasianum imperauit, Ioannes apostolus in pace quietuit, & Clemens papa in mare mersus martyrio coronatus est. Huius Dionysii Gregorius in quadam homilia meminit, dicēs: Fertur Dionysius ille antiquus venerabilis pater Areopagita dicere, quod ex minoribus angelorū agminibus foris ad explenda ministeria vel visibiliter vel inuisibiliter mittuntur. Hic autem de Francia Dionysius, vnde fuerit oriundus, in passione sancti Marcelli fideliter memorari mihi videtur: sic enim ibi habetur: Puer quidam Marcellus sub doctrina beati Sixti erudiebatur, cumque suppliciis Sextum episcopum videret puer macerari, coepit timere. Tunc sanctus Laurentius corroborans ætatis eius infantiam, ait ad eum: Marcellus, genitor tuus Ægeas noluit Christum credere, nam mater tua Marcellina, & fratres tui Saturninus & Dionysius, iubente sancto Clemente papa urbis Romæ, partibus Galliarum, ut ad fidem Christianam gentes instruerent, directi sunt. Vade ad eos ut non pereas in manu Decii. Et infra dicitur: Profectus Marcellus cum Anastasio commilitone Christiano, ut iret ubi erat frater suus Saturninus episcopus, peruenit usque ad Argentomagum, vbi a præside comprehensus, inquisitus est vnde esset, aut de qua prouincia vel ciuitate huc venisset. Puer respondit: Christianus sum, ab urbe Roma exiui, & propero ad ciuitatem Tolosam, vbi fratres mei Satur-

ANNO
CHRISTI
1034. ninus & Dionysius commorantur. Cui Heraclius præses ait: Dic mihi vocabulum patris vel matris tuæ. Puer respondit: Pater meus Ægeas, & mater mea Marcellina nuncupati sunt. Sed si velint episcopi, ipsa passio in Concilium eorum potest sine mora deferri. Hæc mihi non discrepare videntur a scriptura quæ penes nos Engolismæ de Dionysii gestis habetur. Ibi enim legitur quod Clemens quemdam Philippum ordinauerit episcopum, & Hispaniæ destinauerit ad prædicandum: Dionysio vero verbi diuini semina gentibus tradidit eroganda; quem in Galliam misit, sociosque ei Saturninum, Marcellinum, & Lucianum, atque Rusticum, & Eleutherium adhibuit. Qui cum simul peruenissent ad portum Arelatensem ciuitatis, Marcellinus in Hispaniam abiit, Saturninus autem Tolosam profectus est, & Dionysius cum Rustico & Eleutherio Parisios adierunt. Lucianus vero presbyter ad Beluacensem profectus est urbem, Julianus quoque Cenomanensis, ut in gestis eius reperimus, genere Romanus fuit. Saturninus autem, ut passio eius docet, tempore Diocletiani & Maximiani, Decio Germanico & Grato consulibus, passus est. Verum nonnullos audio interdum mouere, quomodo non discrepet illud quod apud Tolosam gesta eius de tempore narrant: videlicet si in tempore Diocletiani & Maximiani, consulatu vero Decii Germanici & Grati, primo Tolosam aduenit, vel, quod verius esse mihi videatur, tempore Decii secundū passionem supradicti Marcelli, & sub ipsorum principum tempore passus est, quomodo a Petro apostolo episcopus ordinatus & Tolosam missus est? namque a passione B. Petri, quæ secundum puram veritatem Hieronymi trigesimo septimo a resurrectione Domini, hoc est decimotertio Neronis anno, extitit, usque in primum annum Decii fuerunt anni numero 182. & a primo Decii anno usque in primum Diocletiani annum fuerunt anni duodetriginta. Fuerunt a resurrectione Domini usque in ultimum annum Diocletiani anni numero 265.

Ad hanc vocem cum in Concilio a quibusdam de chronicæ concordia propter aduentum Martialis in Aquitanię subtilis inquisitio a clericis fieret, ille Engolismensis clericus adiunxit, dicens: Hieronymi chronica quæ mentiri non potest, si placet, in Concilium deferatur, & super hac

quæstione diligenter perspiciatur. Itaque perscrutato libro locutus est, Licet, inquiens, Beda in commentario super Actus apostolorum dicat Petrum quarto Claudi anno Romam venisse, & trigesimono anno post resurrectionem Domini passum esse, tamen secundum Hieronymi chronicam subtiliter supputatam ita inuenitur, quod decimo octauo anno Tiberii Dominus passus est: post Tiberium vero regnauit Caius, & post eum Cladius, cuius imperii secundo anno venerunt Romam princeps apostolorum Petrus & condiscipulus eius Martialis; ipsius autem Claudi quarto anno Marcus in Ægypto, Martialis in Gallia Dominum prædicare cœperunt. Post Clodium, qui imperauit annis 13. mensibus 7. diebus 28. suscepit iura principalia Nero, nihilo minus annis 13. mensibus 7. diebus 28. nam 13. plenis annis regnauit, & quartodecimo plus quam medio mortuus est. Huius imperii primo rex Gallicarum Stephanus Romam cum legionibus Gallorum ad eum perrexit, quemadmodum literis per veredarios ei fuerat iussum. Ipsius quoque Neronis anno secundo Paulus apostolus primitus venit Romam, hoc est quartodecimo anno post aduentum B. Petri: necdum enim fuerat Paulus Romæ, quando Stephanus ad Neronem profectus est. Missus est autem vincetus Româ Paulus a Festo præside Iudææ, quia Cæsarem appellauerat. Item anno primo Tiberii Herodes tetrarcha apud Iudæos cœpit regnare: qui regnauit per annos 24. id est usque ad primum annum Caii Caligulae, qui fuit successor Tiberii, sub quo Herode Dominus passus est, fuitque frater Archelai, id est filius illius Herodis sub quo Christus natus est. Post Herodem vero tetrarcham regnauit Agrippa annis septem. Ipse est Herodes qui Iacobum occidit, & Petrum comprehendit, & ab angelo percussus est. Cuius Herodis anno quinto, hoc est Claudi Cæsaris secundo, Petrus & Martialis, ut iam diximus, primo venerunt Romam. Post Agrippam Herodem regnauit filius eius alter Agrippa annis 26. hoc est usque in secundum annum Vespasiani, quando Iudaorum regnum defecit. Post Neronem quippe imperauit Vespasianus, cuius tertio anno imperii Martialis apud Lemoicam quieuit. Superuixit Petro quatuor annis. Anno enim 37. a resurrectione Domini, ut iam diximus, hoc est decimo-

ANNO
CARITATIS
1034.ANNO
CHRISTI
1034.

ANNO CHRISTI 1054 motertio anno Neronis imperii, Petrus passus est: & anno quadragesimo post resurrectionem Domini, hoc est tertio anno Vespasiani, Martialis assumptus est. Hæc omnia ita diligenter supputantur, vt si secundum quosdam trigesimonono anno post resurrectionem Domini Petrus passus est, ergo Martialis Petro superuixit vno integro anno, & crafina die, hoc est prima alterius incipientis anni die, cælos cum Christo ascendit. Atque ipso anno quo basilicam, in qua ipse membris quiescit, in honore Petri apostoli dedicauit, post duos menses dierum temporalem mortem suscepit. Si autem iuxta Hieronymum Petrus trigesimo septimo a resurrectione Domini, hoc est decimotertio Neronis passus est anno, igitur Martialis Petro quatuor annis superuixit.

Hæc & his similia de conuenientia annorum cum satisfactum esset, & ille Engolismensis clericus iterum dicere, quia nihil mirum si Martialem Lucas nomine proprio non exprimit, cum illorum septuagintaduorum nomina non ostendat, atque Petri aduentum in Antiochiam & Romanam nullo modo scribat, iterum Odolricus pater allocutus Concilium, dicens: Ne quis forte nos dicat nunc nouum fateri apostolum, & haçenus non auditum. De apostolatus eius antiquitate, eo quod iam olim * prænuntiatus ab antiquis & testificatus fuerit, iterum perhibeo testimonium verum, o venerabiles episcopi. Ecce duo sacerdotes ex fratribus nostris coram adsunt, quos olim hac ipsa de causa in Britanniam misi, vt Anglorum a Gregorio, vt reor, præfixam legem annosam diligentius perscrutarentur, & omni submoto mendacio ad nos referrent. Qui cum ad Anglos peruenissent, tam in martyrologiis eorum quam in litaniis Martialem ab antiquitate reperiebant apostolum scriptum. Ad quoddam autem magnum deuenientes monasterium, in quo primus Anglorum episcopus requiescit corpore Augustinus, (compererunt enim ibi non haberi librum de aëtibus beati Martialis) per litanias tamen atque martyrologia in eodem loco inuenerunt eumdem patronum nomine apostolico decoratum. At cum a patre monasterii perquirerent, dicentes: Ut quid Martialem in vestris litaniis prædicatis apostolum, cum eius gesta dicatis non haberi penes vos? Ille respondit: Quia

*præoc-
cupatus

Concil. Tom. 25.

Zz

ab illo, inquit, tempore, quo primo in hac prouincia Christi nomen auditum est, a patribus hoc nostris obseruatum est, quorum nullatenus immutare possumus traditionem. Scimus quippe doctores nostros priores de Gregorii profluxisse magisterio: attamen saepius inter nos conferre indagando solemus, quis iste est apostolus, cuius vocabulum in euangeliis & in Actibus apostolicis minime intuemur. Et quoniam gestorum eius auctoritatem non habentes, de eo non parum hesitabamus, ideo nomen eius crebro a memoria apostolica eradere putabamus. Sed econtra cum animaduerteremus quia antiqui patres nostri non incassum hunc nobis scripsierunt apostolum, idcirco nullo ausu eius vocabulum a serie apostolorum abolere audebamus. Vos autem peregrini Galli, qui de eius estis apostolatu, qui nobis eius actus enuntiatis, a nostris cordibus de eo omnem omnimodis dubitationem abiecistis: & hac de re dudum creberrime Deo supplicabamus certos nos redi. Nec in aduentu vestro derelicti spe nostra videmur: imo exultandum nobis est de tam egregiae virtutis Domini nostri Iesu Christi discipulo. Multa alia testimonia penes eamdem gentem Anglorum de huius * veritatis vetustate testes veraces narrauerunt nobis sese comperisse. Illud quoque mihi memorandum est, quod ante hos septem annos † rex Anglorum † duci Aquitaniae regalia munera misit, simulque codicem literis aureis scriptum, in quo nomina sanctorum distincta cum imaginibus continebantur. Quod volumen iam olim in Concilio Pictauensi, dum hac eadem de re quæstio esset, idem dux Vvilielmus literis edactus in testimonium antiquitatis pontificibus ostendit. Erat enim ibi Martialis in aliorum apostolorum catalogo positus. Qui peritissimus princeps dicebat archiepiscopo Burdigalensi, & aliis qui ibidem aderant episcopis; Coniicere, inquiens, possumus quam egregia auctoritatis sit beatus Aquitanorum patronus, de quo Gregorius in illa sui laboris gente hanc legem tradidit obseruandam. Nimirum imperitorum est dubitare de quo sanctus papa Gregorius non dubitauit. Videtis ecce, o episcopi, in hoc codice, qui apud Anglos scriptus est, prætermissum esse Timotheum, & Cleopham, & Silam,

† Cnuto
hic erat
cognomen
to Magnus.
† Vviliel-
mo

ANNO CHRISTI
1034. & alios, quorum nomina in euangeliis, & in Actibus apostolicis, sive in epistolis Pauli leguntur, quos apostolos dicitis præter duodecim esse ; non tamen prætermisum esse illum nostrum patronum, qui primus Galliarum fuit episcopus, cuius nomen in euangeliis reticetur : ut scilicet vere illum Dei fuisse sciamus discipulum in carne, & cum duodecim prioribus electis discipulis maximam a Deo accepisse apostolatus gratiam hanc gentem occiduam possidendi signum apostolatus in æternum. Hoc autem in Martiale fieri videmus, quod etiam in Barnaba, Luca & Marco, & antiqui faciebant, & moderni hactenus faciunt. Nam eorum alii memoriam de confessoribus, non de apostolis, agunt ; ea tantum causa quia non sunt de duodecim : alii autem rectius arbitrantes, non de confessoribus sed de apostolis eorum agunt recordationem, eosque apostolos prædicant ; ideo quia de Israel genere secundum carnem procreati ad prædicandum ab aliis apostolis missi sunt. Ita & qui Martialis mentionem de confessore agunt, idcirco agere videntur, quia non fuerit unus de duodecim. Qui vero eius de apostolo recordantur, rectius autumant, quia quamquam unus non sit de duodecim, ex genere tamen Abrahae, hoc est de tribu Beniamin, ortus, Dominum in carne videns, eius fuit discipulus. Omne etiam donum gratiarum cum duodecim a Domino accipere promeruit. De cetero a Domino per beatum Petrum ad prædicandum Galliis missus est, ubi clara habet apostolatus signa : prædicationis quippe fructificatio maxima illi inter alios apostolos extitisse probatur : siquidem præter Paulum & illos duodecim nescimus tanta copia fructificasse alium apostolorum, quanta Martialis prædicando fructificauit.

Hæc & his similia cum super his dux perorasset, eiusque verbo nullus contraire quiuisset, quidam clericorum de eruditis ait ad eos qui sedebant in Concilio : Non ignoramus quia Matthias de septuaginta duobus dudum fuerit, & post per constituentem Petrum unus de duodecim extiterit. Verum alter, quem fors in duodenario non accepit, nihil minus tamen de eorum ordine qui exceptis duodecim erant apostolus permanit. Ipse est enim postea dictus Iudas apostolus, qui tunc Io-

Concil. Tom. 25.

Z z ij

364 BENEDICTVS CONCILIVM CONRADVS II. IMP.
P. IX. HENRICVS I. REX FR.

seph iustus siue Barsabas dicebatur : ipse denique est qui
cum Sila apostolo ab aliis apostolis missus est : vnde Hiero-
nimus diuinæ legis interpres scribit dicens : Silas quo-
que & Iudas ab apostolis apostoli appellati sunt. Si ab apo-
stolis illi appellati apostoli sunt, ergo vere apostoli erant:
priores enim apostoli eos quos apostolos vocabant, non
incassum apostolos existimabant : nec appellassent, nisi es-
sent. Præterea Paulus apostolus, in quo Christus loque-
batur, exceptis vndecim, non appellaret apostolos, ni-
si vere apostoli exceptis vndecim essent : non in vanum
quippe, neque mendaciter aliquod verbum locutus est
Paulus : *Apparuit, inquit, vndecim, deinde apostolis omnibus.*
Hæc propter quosdam prætuli, qui in Concilio verbum
ventilant, dicentes : Quid enim, si Martialis apostolus
tunc erat, vt quid minime in locum Iudæ ponebatur, quan-
do Matthias eligebatur. Sciant itaque non solum Mat-
thiam, sed cum eo & Barsabam ab apostolis electos &
statutos, & occulta sorte Matthiam, vt in locum Iudæ es-
set, assumptum; quatinus non iam vndecim sed duode-
cim primi testes resurrectionis Domini essent: Barsabam
vero apostolico nomine minime caruisse, quia alii præ-
ter duodecim iampridem ad apostolatus officium desti-
nati fuerant, dicente Domino : Ite, ecce ego mitto vos sicut
agnos inter lupos. Sane quis dixerit Martialem non fuisse
resurrectionis Domini testem? Numquid non Barsabas,
quia vñus erat de septuagintaduobus, sicut & Matthias,
sicut apostolus tunc erat, ita deinceps apostolus fuit?
Nonne ipse est, vt iam dixi, qui nunc dicitur Iudas apo-
stolus cum Sila apostolo? Etenim quemadmodum Mat-
thias prius erat apostolus de septuagintaduobus, dehinc
autem vñus de duodecim fuit, ita & Barsabas vt apo-
stolus erat apostolus permanit, licet non de duodecim: eo-
dem modo & Martialis, si vñus de septuagintaduobus
fuit, ergo tunc & apostolus erat, & demum apostolus
permanit, translato Matthia in duodecimum. Ut autem
quidam ait, apostolus non numeri sed officii nomen est.
Re autem vera illi statuti sunt duo ad supplendum duo-
denarium ordinem, qui a baptismate Ioannis usque in
diem ascensionis opera Domini viderant, perfectæ tra-
tis existentes. Si enim ipse Dominus non ante trigesi-

1. Cor. 15.

Luc. 10.

ANNO CHRISTI 1054
mum ætatis est exorsus prædicare annum , quanto ma-
gis discipulos duodecim oportebat non ante ætatem per-
fectam testes Domini publicos Iudæis esse. Porro si Mar-
tialis quando Dominus ascendit in cælum ne cum vicesi-
mum ætatis annum attigerat , quid in eo præiudicare pos-
sumus , quod minime in locum Iudæ substitutus fuerit ;
præsertim cum anteriores duodecim testes vel grandæui
& perfectæ essent ætatis , hic autem nondum impletam
corporis ætatem haberet ? Si autem Dauid cum adhuc
esset adolescens a Domino electus in regnum , & eo iuben-
te consecratione regia vñctus est , tamen non ante regna-
re cœpit , quam triginta ætatis completeret annos , quid mi-
rum si Martialis ætate adhuc adolescens vñctionem san-
cti Spiritus in potestate ligandi atque soluendi , & cetera
gratiarum charismata ad officium apostolicum pertinen-
tia , cum aliis a Domino accepit apostolis ? vbi iam enim
peruenit vt integræ esset ætatis , hoc est annorum triginta ,
per beati Petri legationem Aquitanicæ gentilitatis aposto-
latum efficacissimo opere a Domino suscepit . Quod au-
tem Dominus iussit Petro vt dirigeret Martialem ad præ-
dicandum proutniis Galliarum , idem est simillimum illi
quo doctribus Antiochiæ degentibus ait Spiritus san-
ctus : Segregate mihi Paulum & Barnabam in opus quo assumpsi ^{Act. 2.}
eos : at illi orantes & ieunantes imposuerunt eis manus , & di-
miserunt eos : & sicut illi missi fuerunt a Spiritu sancto , quam-
uis per ministerium discipulorum , sic Martialis missus est
a Domino in Galliam , licet per legationem & consultum
beati Petri : qui vocante & eligente se Domino ætatis
quindecim annos impleuerat tantummodo , tribusque
cum eo permanxit , id est usque ad passionem & ascen-
sionem , post aduentum denique sancti Spiritus super apo-
stolos in Sion , annos quinque apud Iudæam fecit , & post
cum Petro Antiochiæ septem permanxit : at vero dehinc
sequenti anno , imperante Domino , Aquitaniam intro-
iuit ; in qua per viginti octo annos prædicationi institisse
cognoscitur : siquidem tertio Vespasiani anno migravit .
His igitur verbis æmulorum pertinacia cum pullulans fa-
cile esset extincta , omnesque peritorum acclamassent sa-
tis fuisse conueniens ætatis perfectionem , in illis qui duo-
decim apostoli priores electi sunt , extitisse : interim in illo

Concilio Piclauensi super hoc capitulo cessatum est.
 Subiunxit etiam idem venerandus senior qui hæc perorabat, dicens: Quid multa necesse, dilectissimi: nil profecto hic obesse conspicitis, quam illam minus congruam multorum consuetudinem, non ratione perspicacem, sed incuria, ut assolet, torpente penes plures inueteratam. Quo autem modo hæc quæ in multis inualuit traditio ex quo videamus fonte descendit. Nostrorum equidem patrum non incerta didicimus relatione, quia longe olim, imo ab ipsius discipuli Domini tempore, quo imperante Vespasio in pace occubuit, vsque in tempora nepotum Caroli Augusti, quando in monasticum canonicalis ordo, facientibus Pippino & Carolo fratribus, filiis Hludouici, in quo ego rector sum loco, permutatus est, eumdem Christi discipulum passim per Aquitaniam priores nostri cum aliis recitabant apostolis, eiusque de apostolo mentionem recolebant, donec iuniores, quasi melius zelando, imo deterius sapiendo, cœperunt nouitatem inferre, dicentes: Licet nobis patronum Aquitaniæ de loco apostolorum, in quo nunc vltimus est, transmutare, ut sit nobis honorabilius, si primum in confessorum serie eum dicamus. Sit nobis principium confessorū, non extremitas apostolorum: eligimus ut sit primus ante omnes confessores, quam vltimus in apostolis. Hoc itaque arbitrio humano nulla ratione fulto, paulatim vsque ad hæc tempora nostra talis increvit mos, non tamen in omnibus locis. Nonnullæ quippe ecclesiæ hodieque hac in re antiquorem retinere videntur obseruantiam; quam licet alii permutassent in terris, nullatenus tamen potuere eius imminuere neque obscurare gloriam in cælis; vbi ingens apostolicum decus, in glorioſo rutilans apostolorum choro, ante conspectum maiestatis gloriæ Dei perenniter possidet. Si ergo priora & antiquiora patrum, secundum veritatem & rationabilem auctoritatem, Deo inspirante, recuperamus instituta, olim humanis ad inuentionibus ablata atque depravata, idque agimus renouando magis quam nouitatem præsumptiuam tradendo, ut quid culpamur velut transgressores paternorum terminorum, de quibus scriptum est: *Ne transgrediaris terminos antiquos quos posuerunt patres tui;* cur, inquam, durum id aliquibus videbitur, si rectam veritatis li-

ANNO CHRISTI 1034 neam sequimur; si perspicaciores patres antiquos hac in re imitemur; si minus acutos non sectari dignum ducamus? Nonne hic pater Azenerius atque Benedictus rector monasterii Clusæ sancti Michaelis, pluresque alii doctissimi & reuerendissimi abbates & episcopi, tam præsentes quam absentes, vna cum Romana apostolica sede huic sententiæ testificantur nobiscum; bonumque id ac iustum Deoque beneplacitum ducunt? Cur autem multorum opinioni incaute aurem præbendo obscurare, imo, quod abfit, infalsare tanti gesta patroni videbimus? qua enim ratione possumus eum negare fuisse discipulum Domini, eumque in carne secutum? Sed quisnam temere inficiari audeat eum a Domino ad prædicandum missum, nec non & ligandi soluendique cum aliis apostolis potestate promotum; partemque gentilitatis enormem in occiduo climate speciale in sorte apostolatus, Christo iubente ac donante, beatoque Petro consultum præbente, suscepisse? Omnia hæc de illo abnuunt qui eum aut non credunt esse apostolum, aut, si credunt, non libenter suscipiunt. Illi, inquam, hæc denegare videntur, qui eum non quemadmodum Ioannem evangelistam, sed velut Siluestrum papam, aut vnum de his qui Dominum in carne non secuti sunt, vel non viderunt, simpliciter confessorem autumant.

Tunc quidam moribus & ætate grandæus, ex episcopis qui sedebant in Concilio, Albiensis videlicet ecclesiæ pastor Æmilius, facto silentio, dixit: Hunc Aquitanicæ patriæ coruscum illuminatorem, qui ad hanc plagam patres nostros venit primus saluare, quem Christus Dominus & beatus Petrus, alter imperans ut magister & Dominus discipulum & seruum, alter exhortans ut condiscipulus & compropinquus condiscipulum & compropinquum, ad salutem & lumen gentium Galliarum, in tenebris & umbra mortis sedentium, direxerunt, iustissimum & dignissimum esse omnimodis censemus, ut quo magis possumus excellentiori habeamus honore, secundum tamen rectam veritatis normam. Hæc, inquam, in eo teneamus quæ non sint ultra veritatem: & quod verum & clarissimum illic est nec prætermittentes nec excedentes, quo eum mage valemus honoremus. Si enim vere a Domino ad prædicandum missus est, si discipulus eius in carne fuit,

LNU. 10.

si vnum de illis est, quibus dictum est: *Beati oculi qui vident quæ vos videtis*, qui eum negat apostolum, profecto constat quia veritatem prætermittit, imo impugnat. Si autem ita diceretur apostolus, vt de origine Israel discipulus Domini non esset, nec a Domino potestatem ligandi ac soluendi acceptisset, ultra veritatem fieret transscensio. Ut si quis eum vnum de duodecim, dicat fuisse, ultra veritatem pertransit: qui vero ita eum dicit apostolus, tamquam a Domino misum, non de duodecim, sed de septuaginta duobus vnum, siue tamquam Paulum & Barnabam, qui post Domini ascensionem electi apostoli extiterunt, hic veritatem neque contemnit neque transcendent, verum nec ad laudem nec ad finistram deuians per viam rectam iustitiae graditur. Igitur si pars aliqua probabilis antiquissimorum patrum comperitur eum dixisse apostolus, & nomen eius cum aliis pronuntiasse apostolis, bonum mihi videtur nos eorum indubitanter tramitem tenere, vt posteri nostri callem directum deinceps assuescere ipsum non cunctentur.

Hæc & his similia eo dicente, alias ex episcopis, vide licet Isembertus Pictauensis ecclesiæ rector, cœpit explanare, dicens: *Qui de hoc verbo controuersiam parit, nondum in scirpo querit; nos non sumus Ebionitæ, qui non recipiunt præter duodecim apostolos, & Paulum quasi transgressorum legis repudiant.* Sufficit ad confodiendos aduersarios hoc telum acutissimum, hoc est sola beati Hieronymi sententia. Item mucrone validissimo Pauli apostoli, nulla arte aut vi vñquam retundendo, omnis pars contentiosa perimenda est. Ait Paulus quia *apparuit Dominus undecim, deinde apostolis omnibus*, vt sciamus apostolos fuisse omnes quos Dominus in carne adhuc degens misit ad prædicandum; ait Hieronymus, vt in præsenti recitatum est lectione: *Omnes qui Dominum in carne viderunt, eumque postea prædicauerunt, fuerunt apostoli, & cetera: liquido constat quia Martialis Dominum in carne vidit, & eum postea prædicauit: bonum est eum dici apostolum, quamvis non malum sit dici confessore.* Nam & apostolus Petrus si dicatur confessore, malum non est, cum confessio veritatis semper sit communis per os omnium sanctorum tam in veteri quam nouo instrumento. Cum hunc autem

ANNO
CHRISTI
1034. autem patronum bonum sit confessorem dici, melius ta-
men est eum prædicari & apostolū; ne latere videatur sub
modio claritas eius, quia Domini discipulus & fortis apo-
stolicæ vnum esse prædicatur. Qui autem contentiose eum
dicit confessorem, ideo non bonum esse mihi videtur, quia
quasi negare videtur eius proprium, & inimicitias in ec-
clesia parit. Ne igitur scissura in ecclesia Dei hac fieri pos-
sit occasione, summopere est prouidendum, ut omnes con-
sono corde & ore vnum id quod melius est pronuntient.
Sola quæ obesse videtur auribus consuetudo in melius ac-
cipiatur, & schisma ac murmuratio atque dubietas pror-
sus a nostro communi Cœtu aboleatur. Quod si quis con-
traire præsumperit huic pacificæ concordiæ, de conten-
tiosis & schismaticis vnum iudicetur.

Ad hæc venerandus ait Iordanus: Multa, carissimi, ante
hos annos hac de re facta est inquisitio, quo usque hæc al-
teratio ad aures apostolicæ sanctæ Romanæ sedis perue-
niret. Super quo dominus Ioannes papa exemplar epistolæ
nobis est dignatus destinare, magnopere testificans apo-
stolatus eius gloriam, & redarguens omnes qui eum con-
tradicunt esse apostolum. Quæ epistola sacra conseruata
in promptu habetur, in qua facile claret testimonium ve-
rum Romanæ sedis.

Cui Bituricensis archiepiscopus Aimo respondens di-
xit: Textum epistolæ papæ Ioannis omnibus Galliarum
episcopis directæ, ante hos quindecim dies in Concilio
Bituricensi, vbi plures episcopi congregati eramus, coram
nobis recitare fecimus: vbi multa doctorum turba inter-
fuit, qui hanc disceptationem sub magna discretione ex-
aminantes, inuenierunt sanum esse quod Ioannes papa in
Romana sede, & vos in hac quæ prima omnium ecclesiarum
Galliaræ est, sancto Spiritu afflante, de hac iustissima re
instituistis. Nemo denegat eum fuisse vnum de septuagin-
taduobus. Illis autem Dominus dixit: *Ite, ecce ego mitto vos* Luc. 10.
sicut agnos inter lupos: constat ergo quos Dominus dixit
apostolos, quia vere apostoli sunt. Et hunc protudem
Galliaræ semper plures antiquorum non cum confessori-
bus, sed cum apostolis pronuntiassæ visi sunt. Itaque plu-
rimo doctorum choro persuadente coram omni populo,
in maiori ecclesia Bituricensi, testimonium perhibuimus

Concil. Tom. 25.

Aaa

beato Martiali quia apostolus veritatis est : curauimus enim ne Romanæ apostolicæ sedis decreto & imperio repugnaremus. In testimonium vero veritatis in eodem Concilio tomum scribere rogauiimus, quem manibus corroborauimus nostris, quatenus omnibus sit notum nos de hac re a Romana sede minime velle desciscere ; quia non oportet. Porro verbum idem, dum in ecclesiæ totius conspectu concionaretur, illico omnis populus quasi vir unus vna voce Dominum benedixit pro sui gloria patroni. Sicut igitur Romana testificatur ecclesia , cui contradicere nefas est, & quemadmodum in prædicto Bituricensi testificati sumus Concilio , ita in præsenti concione generali hanc sententiam iustum & necessariam sanctæ ecclesia testificamus esse.

Tunc Deo amabilis Iordanus respondit : Hoc equidem verbum , qualiter ante hos annos , hoc est in primo anno dedicationis huius Lemouicensis basilicæ Redemptoris nostri , quam hodie exultanter hæc ciuitas nobiscum recolit , viuentibus tunc doctissimo rege Francorum Roberto , & Gauzleno metropolitano prædecessore vestro , hæc sedes Lemouica , non sine enormi auctoritate diuina receperit , paucis memorare libet. Post multas enim huius capituli altercationes , aliis assentientibus , aliis vero repugnantibus , cum super hac re factæ multæ essent litaniae , vt hoc verbum , nisi Dei esset bona voluntas , in concordia huius sedis minime resideret , aduenit synodalis ad hanc ecclesiam Conuentus , vbi tertia die Synodi omnis sacerdotum generalitas , ac ceterorum clericorum numerositas , vna nobiscum nobilium virorum & legis doctorum adiuncta multitudine , credo Deo gubernante , vnum cor & vnam voluntatem hora diei tertia suscepit : taliterque omnibus inspiratum est , vt pacifice & libenter , atque voluntarie bona obedientia hæc susciperetur ab omnibus sententia , deincepsque immutabiliter per nostram dioecesin obseruaretur. Et bene placuit omnibus , qualiter hanc Deo beneplacitam voluntatem accipemus , vt quemadmodum multitudini nouitas videbatur , ita contra hanc altera quidem res noua , sed magnifica , & gloria aduersus omnes æmulos confirmaretur. Aggregato itaque maximo populorum conuentu sacratissi-

ANNO CHRISTI
1034
mum corpus patroni a suo leuaimus tumulo , & piissimo obsequio transtulimus super hoc sanctum altare , quod in honorem protomartyris Stephani ipse consecravit. Facta sunt hæc dominica resurrectionis die , in ipsa solennitate inuentionis corporis beati Stephani , atque huius sancti templi consecrationis , quod idem patronus primus in omni Gallia Deo dedicauit , dirutis , quæ in hoc loco pridem gentilitas coluerat , simulacris. Quæ res ita nobis conuenire visa est , vt sicut ille viuens hanc suam sedem totius Aquitanicæ gentis fontem baptismi & illuminationis angelicæ fecerat , ita corpore suo eamdem visitando perlustrans , isthic nobis huius daret initium obseruationis , hocque institutum membra in reliquum conseruandum non cunctarentur , quod exordium in capite suo sumebat . super hoc itaque altare eodē die mysteria in gloria apostolatus eius solenniter celebrauimus. Quod semper in reliquum celebrare tam hic quam per omnes nostræ dioecesis ecclesias & monasteria mandauiamus : vt videlicet ulterius non in confessoris sed in apostoli recordatione memoria patroni ab omnibus concorditer fieret. Hanc etiam diem statuimus habendam in recordatione omnibus annis , qua ad suam sedem egregius pastor translatus est : qua etiam die cathedra eius , hoc est ordinatio , siue initium episcopatus eius est. Non quod eadem die consecratus sit in episcopum : (nam die ascensionis Domini consecrationem episcopalem cum aliis episcopis a Domino accepit , quando eleuatis manibus benedixit discipulis Dominus , & ferebatur in cælum) sed sicut est cathedra beati Petri Antiochiae , itemque cathedra Romæ , non quod tunc consecratus sit episcopus , qui a Domino iam olim consecrationem susceperebat pontificalem , sed quia tunc primum in illa die apud easdem ecclesias sedit , ad suscipiendum super populum Dei regimen pastorale : ita in hac die , quæ est tertia mensis Augusti dies , hanc domum de fano dæmonum fecit Christi templum , & in ipsa ecclesia hac primum sedit , suscipiens in populo curam & regimen pastoris : quem duo sacerdotes Dei Austriclinianus & Alpinianus discipuli eius in thronasse creduntur in huius ecclesiæ cathedra , in testamento veritatis , vt vbi duo vel tres congregati essent in nomine Saluatoris , in medio eorum ibi Domi-

Concil. Tom. 25.

Aaa ij

nus esset : nam & beatum Petrum Linus & Cletus disci-
puli eius sacerdotes , imo cum eis idem beatus Martia-
lis condiscipulus eiusdem beati Petri apud primam Ro-
manam ecclesiam inthronizasse creduntur : quæ ecclesia
prima , vt quidam dicunt , est apud titulum qui vocatur ,
Ad primum , & est in honore Leuitæ Stephani primi
martyris ; vt alii autem ferunt est apud Lateranis , quia ibi
patriarchium est. Altera ergo die , quæ est post dedica-
tionem huius sacrofancæ basilicæ , siue inuentionem re-
liquiarum protomartyris Stephani , translatio patroni ad
suam fidem , siue festiuitas cathedrae eius , ex eo tempore
celebrari solita est in hac eadem sancta Lemouicensi ec-
clesia. Eodem vero die , consummatis cum tripudio my-
steriis , & de apostolica commemoratione instituta fe-
derato cum pace inter se vniuerso clero & populo , sacra-
tissimum patroni corpus ad proprium retulimus monu-
mentum. Posuimus autem sub anathemate eos qui in no-
stra dioceſi vltterius hanc inquietare præſumerent sen-
tentiam. Post multum vero temporis , cum in nonnullis
per Galliam ecclesiis de hoc verbo murmur fieret , &
quidam dicerent : Quomodo potest apostolus esse qui in
euangeliis non dicitur , sed nec in Actibus apostolorum
manifestatur ? Alii vero putarent nunquam haec tenus di-
ctum id esse , sed nouiter a nobis primum , quod absit ,
vſurpatum esse , iterumque grauis altercatio pullula-
ret , Deo dispensante , directa est nobis super hac re epi-
ſtola ab apostolicæ Romanae ſedis papa Ioanne. Tunc
vnanimi conſulto decretum fecimus , vt propter hoc ver-
bum iterum aut ſuſcipiendum aut non ſuſcipiendum , con-
gregatio epifcoporum atque peritorum virorum ad hanc
vrbem colligeretur. Si ergo decernitis hanc non ſuſcipi
debere ſententiam , nec a me vltra ſuſcipienda eſt , ſed
magis impugnanda. Si autem ſuſcipitis , & ego ita ſuſcipio ,
ſicut ante ſuſcepferam ; vt quicumque noſtræ dio-
ceſis in eo ſcandalum generare vltterius præſumpferit ,
tam veſtra quam noſtra coerceatur animaduertione.

Tunc archiepifcopus ait : Sicut iam dixi , & iterum nunc
palam omnibus dico , quemadmodum Romana ecclie-
ſia ſuſcipit & ſuſcipi per textum epiſtolæ mandat , & hanc
ipſam rem Bituricensi Concilium nuperrime collaudauit ,

ANNO CHRISTI
1034.
sic laudo hoc bonum esse, & in pace suscipio, & huius sancti Concilii fraternitatem absque schismate suscipere id obsecro & exhortor. Si quis autem exhortationi nostrae non acquieuerit, habeat iudicem Deum vniuersitatis conscientiae testem. Verumtamen comprouinciales nostros necesse est, nisi susceperint admoniti, obedient Romanae sedi capiti suo, seuera auctoritate nostra compulsi.

Ad haec Iordanus venerabilis ait: Ut video, quia hoc verbum in bona voluntate Dei a nobis cum pace suscipitur, gratias agimus Iesu Christo Domino Saluatori nostro: & benedictus Deus qui hanc sanctam Lemouicensem ecclesiam sacerdotio beati Martialis nobilitauit, & hanc gentem occiduam eius fructifera prædicatione ab idolorum seruitute ad veram libertatem retraxit. Ipsi Patri Domini nostri gratiarum actiones offerimus, qui noluit lucernam ardenter sub modio occultari, nec ciuitatem supra montem positam abscondi: sed quod ab antiquitate patres nostri priores probantur præoccupasse, nunc euentalatum prudenter in diebus nostris largiri nobis dignatur luce clarius apparere. Vere cælum & terra transibunt: sed verba & promissa Dei non præteribunt. Et si beatus Martialis lux mundi a Domino vocatus est, eadem promissio Domini impossibile est quin compleatur in eo, qui officio apostolatus & prædicationis claruit lumine magno. Ideoque in nomine ipso iure rutilat fulgore apostolico.

Iterum conuersus ad archiepiscopum locutus est, dicens: Iam, si placet, venerabilis pater, absoluatur hodierum Concilium, ne populus festiuus tædio moræ nostræ grauetur. Craftina enim & tertia die de aliis disputaturi Deo erimus auxiliante. Nunc ergo simul omnes ad ecclesiam Salvatoris nostri procedamus, vbi nos multus expectat populus: stationem ibi festam agamus, & sacrificium pro solennitate unus ex nobis Deo offerat. Nos quoque reliqui illic circumadstabimus, & populum de præsenti Concilio admonebimus, & pacificis benedictionem, bella volentibus maledictionem, secundum legem Domini proponemus.

Ad hunc sermonem de sedibus suis surrexerunt epi-

Aaa iii

scopi, & cum timore Dei processerunt, ascendentes ad locum templi, ad audienda solennia sacrofæc[t]a basilicæ. Rogante vero venerabili Iordanu[m] metropolita Bituricensis sacro v[er]sus pallio ad celebranda sancta accedit. Inter laudes autem, quæ *Græco* nomine dicuntur a conuersione vulgaris modulationis, dum versus sanctæ Trinitatis a cantoribus exclamaretur, illico omnes episcopi cum, archiepiscopo & diaconibus ceterisque ministris, ad maximum altare pariter accedentes orauerunt, mutuamque tam sibi quam ministris altaris pacem, ut mos est, dederunt: deinde per circuitum altaris in sedibus præparatis resederunt. Angelico interea hymno cum tropis, id est festiuis laudibus, ornatissime expleto, primam orationem de solennitate ecclesiæ dedit archiepiscopus: secundam vero, audiente omni ecclesia, de beati Martialis commemoratione annexuit; quæ oratio in hunc modum continetur:

Omnipotens sempiterne Deus qui beatum Martialem apostolum ecclesiæ tuæ sanctæ præesse voluisti, quæsumus nobis, eius suffragantibus meritis, pietatis tuæ gratiam largiaris.

Quam orationem idcirco præsertim palam omnibus voluit protulisse, ut testimonii apostolatus beati patroni clarus assertor liquido patesceret: quæ oratio cum secreta & præfatione, & ea quæ dicitur ad complendum, idcirco Gregoriana esse dicitur, quia a Ioanne papa Romano ad Lemouicenses directa iamdudum fuerat.

Post euangelium denique lectorum, facto in plebe silentio, Iordanus pontifex, conuersa facie ad plebem, adstantis coram altari in eminentiori loco, sic alloqui cœpit populum, dicens: Audiuimus, dilectissimi, verba sancti euangelii: *Quia venit Filius hominis querere & saluum facere quod perierat.* Ideo enim Saluator dicitur esse Dominus noster Iesus Christus, quia omnes peccantes vult ad salutem reuocare, dicente Apostolo: *Fidelis sermo, quia Christus Iesus venit in mundum peccatores saluos facere, quorum primus ego sum.* Cumque de fide Zacchæi, qui defraudata reddidit in quadruplum, paucis dixisset, atque ad milites, deprædantes siue per calumniam vel potentiam res sanctuarii, & pauperum turbam opprimentes, ut fidelem Zacchæum imi-

LNC. 19.

1. Tim. 1.

LNC. 19.

ANNO CHRISTI
1034 tantes ea iuste restituerent quibus rapuerant, retraxisset sermonem, ad ultimum adiecit, dicens: Ecce propter vestram pacem, dilectissimi, hic adsunt pastores ecclesiarum sancti fratres nostri episcopi, qui ad subleuandum onus mei ponderis, & vos salvandos atque pacificandos dignati sunt ad hanc urbem conuenisse, sequentes Domini nostri Iesu Christi exemplum, qui venit querere & salvum facere quod perierat. Quia de una re cum illis moneo vos, obtestans in Domino Iesu, quatenus nemo vestrum illis inobtemperans existere presumat, nemo se a Concilio isto excusando subducatur, sed omnes principes & capita populorum ex Lemovicensi prouincia in castinum & tertium diem ad nos cum pace conueniant, & nullus a nostro Coetu communi secedat, nisi a nobis voluntario animo iussus.

Conuenientibus autem ad Concilium, nemo alteri propter alias inimicitias nocere presumat, siue in facultatis, siue in domo eius, neque dum hic steterit, neque dum ad propria redierit, neque ante septem dies, postquam regressus fuerit. Nemo in hac congregazione seditionem generet, neque in urbe, neque extra urbem. Nullus aliquid per vim rapiat: nullus, ut assolet, quasi propter iustas querelas, pugnam inire constituat. Nullus hic expeditionem, neque equitatum ineat aliquando agendum; sed nihil aliud hic quam pacem quispiam inquirat; si forte pax nobis a Domino tribuatur quieta: quia hic Conuentus proprius Conuentus Domini est, ad inquirendam pacem, ad consolandam sanctam Dei ecclesiam.

Hæc qui obseruauerit, tamquam filio pacis, imo Dei, & a Domino nostro Iesu Christo, & sanctis apostolis eius, absolutionem conferimus peccatorum, & benedictionem æternam: ut sicut Dominus beato Petro, & huic beato Martiali, ad cuius sacratissimum corpus assistimus, ceterisque apostolis, virtutem atque potestatem ligandi atque soluendi tribuere dignatus est; ita a peccatorum nexibus absoluere dignetur eos, qui de pace & iustitia Deo & nobis, qui eius vice licet indigni fungimur, obedire festinauerint. Qui autem pacem nostram non suscepint, tamquam non Deum, sed diabolum sequentes, huic damnationi, quam modo coram recitare iubebimus, subiacebunt. Pax

ANNO
CHARITI
1046

autem nostra ad nos reuertetur, sicut Dominus in euangelio ait: *Si fuerit filius pacis, requiescat super illum pax vestra; si autem, ad vos reuertetur.* Tunc iubentibus episcopis, idem qui euangelium pronuntiauerat diaconus sic in tomo chartæ excelsa voce maledictionem coram populo in tribunali ante altare legere coepit, dicens :

Excommuni-
cacio in
seditiones.

Ex auctoritate Dei Patris omnipotentis, & Filii, & Spiritus sancti, & sanctæ Dei genitricis Mariae, sanctique Petri apostolorum principis, & beati Martialis, & aliorum apostolorum, atque omnium sanctorum Dei, nos episcopi, in nomine Dei specialiter congregati, Aimo archiepiscopus Bituricensis, Iordanus antistes Lemouicensis, Stephanus Aniciensis, Renco Aruernensis, Ragamundus Mimatensis, Æmilius Albiensis, Deusdedit Caturicensis, Isembertus Pietauensis, Arnaldus Petracoricensis, Roho Engolismensis, excommunicamus illos milites de isto episcopatu Lemouicensi, qui pacem & iustitiam episcopo suo firmare, sicut ipse exigit, nolunt, aut noluerunt. Maledicti ipsi & adiutores eorum in malum: maledicta arma eorum, & caballi illorum; erunt cum Cain fraticida, & cum Iuda traditore, & cum Dathan & Abiron, qui viui introierunt in infernum. Et sicut haec lucernæ extinguntur in oculis vestris, ita gaudium eorum extinguetur in conspectu sanctorum angelorum, nisi ante mortem ad satisfactionem atque emendationem, siue poenitentiam dignam, venerint in iudicium episcopi sui. Omnes episcopi & presbyteri candelas ardentes in manibus tenentes, mox eas in terram proiicientes extinxerunt. Ad quod verbum cor populi valde expauit, & omnes clamauerunt, dicentes: Sic extinguat Deus latitiam eorum qui pacem & iustitiam suscipere nolunt.

His dictis, dominus Iordanus ait ad populum: Haec verba maledictionis eodem dicta sunt tenore nuperime in sancto Concilio Bituricensi in aduersarios pacis. Quemadmodum autem inter Bituricenses, Deo donante, pax firmata est, ita inter Lemouicenses pacem fieri optamus. Post haec singuli episcoporum, & ultimus archiepiscopus, de pace populum monuere, dicentes: Sicut pastor vester ecce prædictus vobis de pace, ita nos eius dicta firmamus uno corde, & uno consensu ex auctoritate Salvatoris Iesu

BENEDICTVS LEMOVICENSE II. CONRADVS II. IMP.
P. IX. HENRICVS I. REX FR. 377

ANNO
CHRISTI
1034 Iesu Christi Domini nostri, & beati Petri, atque beati
Martialis, sanctorumque aliorum apostolorum, quibus
proprie a Domino collata est potestas ligandi atque sol-
uendi. Quidquid hic pastor vobis a Deo datus confirmat
confirmamus, & quidquid destruit destruimus; ligamus
quos ipse ligat, benedicimus quibus benedit.

His & huiusmodi peroratis, facto silentio, cum ad ho-
ram confractio[n]is dominici corporis ventum esset, atque
ex more archiepiscopus benedictionem populo funderet,
super beati Martialis nomine mentionem interseruit, ita
dicens: Benedicat & custodiat vos omnipotens Deus, do-
mumque hanc sui * munera præsentia illustrare, atque
suæ pietatis oculos super eam die ac nocte dignetur ape-
rire. Amen. Concedatque propitius, ut omnes qui ad so-
lennitatem anniversariam dedicationis huius basilicæ ho-
dierna die conueniuntur, intercedente beato Martiale apo-
stolo, & ceteris sanctis suis, quorum reliquiae hic pio ve-
nerantur amore, vobiscum hinc veniam peccatorum ve-
strorum reportare valeatis. Amen. Quatenus eorum in-
teruentu ipsi templum sancti Spiritus, in quo sancta Deus
Trinitas iugiter habitare dignetur, effici, & post huius
vitæ labentis excusum ad gaudia æterna feliciter per-
uenire mereamini: & cetera quæ in episcopali benedictione
proferri solitum est. Secundus tamen benedictionis ille ver-
sus in eo codice, sicut & in nonnullis aliis, nomen beati
Ioannis euangelistæ inscriptum continebat: verum, ut di-
xi, ob loci & festiuitatis opportunitatem conuenienter &
consulto hæc circumstantium peritorum assensu ab ar-
chiepiscopo in beati Martialis proprietate & gloria dicta
sunt. Quod valde placuit omni ecclesiæ summo amore &
tripudio. Certissimum quippe tenemus ea placere Spir-
itu sancto quæ plurimorum fidelium consensu in unam
voluntatem conueniunt, iuxta quod scriptum est: Multi-
tudinis autem credentium erat cor unum & anima una.

Claudente luce diem, finitis vespertinis solenniis, Aemilius
pontifex veneranda canitie angelicus in eadem basili-
ca hanc, propter patrocinium beati Martialis, benedictionem
dedit populo, dicens: Omnis qui vos in apostolicis
tribuit consistere fundamentis benedicere vos dignetur,
B. Martialis apostoli sui interuenientibus meritis, &c. quæ

Concil. Tom. 25.

Bbb

sequuntur. Consilio autem inito episcopi semetipos altrinsecus monuerunt, ut, tarditate remota, crafstino valde mane, quod illuxit sexta feria, ad Concilium iterato cogerentur in vnum. Quod qualiter actum sit sequenti lectione paucis perstringendo reseruabimus, postulantes Dominum ut vtilia quæ oculis ipsi vidimus, & auribus præsentes audiuiimus, memorie nostræ suggestere ad literis mandandum dignetur Deus & Dominus noster Iesus Christus, cum quo est gloria Patri vna cum Spiritu sancto per immortalia sæcula sempiterna. Amen.

S E S S I O N I I.

Celebrata XIII. Kalendas Decembri.

Item commemoratione Concilii Lemouicensis, quod aggregatum fuit in dedicatione basilicæ Saluatoris Domini.

SECUNDO interea Concilii die, post anniversariam dominicæ basilicæ solennitatem excursam, surgentes episcopi ad psallendum ante lucem, atque cum aurora lucis daret primum initium ipsi diei, altaris mysterium Domino persoluentes, valde mane, antequam clarius ilucesceret, ad basilicam sanctæ sedis aggregati, congruenti & disposito ordine intrauerunt ad Concilium. Litaniam imposuit illis tribus diebus iam dictus dominus Azenerius venerabilis pater monasteriorum sancti Martini Massiacensis, sanctique Benedicti Floriacensis, qui vna cum antistite Bituricensi ad Concilium Lemouicense aduenierat. In quibus litiis beatum Martialem inter aliorum apostolorum nomina enuntiauit per singulos dies; nam haec illi & suis antiqua inerat consuetudo, sicut ipse cunctis in Concilio publice predicabat. Erat autem apprime liberalium artium peritus, qui dicebat valde fieri inconveniens, eum qui potestatem ligandi & soluendi a Redemptore cum aliis apostolis acceperat, inter eos sanctos qui non acceperant predicari. Licet enim omnes episcopi potestatem habeant ligandi & soluendi, non tamen eam a Christo priuatim alii acceperunt, nisi tantummodo illi qui eum in carne beatis oculis viderunt, & secuti sunt, & ab eo ad predicandum missi sunt; dicente Domino: *Sicut*

Ivan. 20.